

## Haue ab vo do

musik/text: t. garcia

s'esch alles scho echli staubig  
mer händ de früehlig verpennt  
ond de sommer esch da' johr lausig  
s'werd langsam chüel be eus  
hey, hesch d'hendertör scho offe?  
esch de ganzi dräck do vo eus  
oder hämmer eus nor verloffte?

chomm, mer haue ab vo do  
lönd de herbscht im räge stoh  
mer fahre los, halte nömmen-a  
bes de wenter chonnt semmer über alli bärge  
chomm, mer haue ab vo do

mer händ nüüt debii, wo eus wechtig esch  
es get nor no dech ond mech ond das zwösche eus  
do merksch was richtig esch  
s'werd langsam wärmer do  
säg, esch alles durgestande?  
chomm, mer schreie eusi wünsch in wend  
bevor mer weder strande

chomm, mer haue ab vo do  
lönd de herbscht im räge stoh  
mer fahre los, halte nömmen-a  
bes de wenter chonnt semmer über alli bärge

chomm, mer haue ab vo do  
wenn mer bliibe semmer ewig do  
mer fahre los, halte nömmen-a  
bes de wenter chonnt semmer über alli bärge